

Bosna i Hercegovina
Federacija Bosne i Hercegovine
JU TERAPIJSKA ZAJEDNICA
KAMPUS KANTONA SARAJEVO

P R A V I L A

Javna ustanova Terapijska zajednica - Kampus Kantona Sarajevo

Sarajevo, novembar 2019. godine

Na osnovu člana 27. stav 1. alineja 1., a u vezi sa članom 37. stav 1. Zakona o ustanovama („Službeni list RBiH“, br.6/92, 8/93 i 13/94) i člana 15. Odluke o osnivanju Javne ustanove Terapijska zajednica - Kampus Kantona Sarajevo („Službene novine Kantona Sarajevo“, br. 28/3, 21/04 - ispravka i 10/05, 31/07, 21/12 i 5/13), Upravni odbor Javne ustanove Terapijska zajednica - Kampus Kantona Sarajevo, na sjednici održanoj dana 19.11.2019. godine, d o n i o j e



P R A V I L A

Javne ustanove Terapijska zajednica - Kampus Kantona Sarajevo

I OPŠTE ODREDBE

Član 1. **(Osnovna odredba)**

Pravila Javne ustanove Terapijska zajednica – Kampus Kantona Sarajevo (u daljem tekstu: Kampus) sadrži odredbe o: nazivu i sjedištu Kampusu, osnivaču Kampusu i obavezama prema osnivaču, zastupanju i predstavljanju Kampusu, uslovima i načinu obavljanja djelatnosti, sredstvima za rad i odgovornosti za obaveze i pravnom prometu, odnosu Kampusu prema korisnicima usluga, organu upravljanja, organu rukovođenja, organu kontrole poslovanja Kampusu, drugim organima u Kampusu, uslovima i načinu njihovog izbora i razrješenja, načinu ostvarivanja javnosti rada, ostvarivanje prava, obaveza i odgovornosti radnika, opštim aktima Kampusu i načinu njihovog donošenja i drugim pitanjima koja su od značaja za ostvarivanje prava, obaveza i odgovornosti radnika u Kampusu.

Član 2. **(Osnov za donošenja)**

Ova Pravila se donose u skladu sa Zakonom u ustanovama i Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo kao i Odlukom o osnivanju Javne ustanove Terapijska zajednica – Kampus Kantona Sarajevo (u daljem tekstu: Odluka).

II NAZIV I SJEDIŠTE

Član 3. **(Naziv)**

Naziv ustanove je: Javna ustanova Terapijska zajednica - Kampus Kantona Sarajevo.



**Član 4.
(Sjedište)**

Sjedište Kampusa je u Sarajevu, Iznad sela Kešelji, Rakovica.

**Član 5.
(Promjena naziva)**

Kampus može promijeniti naziv i sjedište samo uz saglasnost Skupštine Kantona Sarajevo.

**Član 6.
(Oblik i tekst pečata)**

- (1) Kampus u svom radu upotrebljava pečat i štambilj.
- (2) Pečat je okruglog oblika, prečnik 30 mm i 50 mm, sa sljedećim tekstom po obodu: Bosna i Hercegovina, Federacija Bosne i Hercegovine, Kanton Sarajevo, JU Terapijska zajednica – Kampus Kantona Sarajevo. Tekst pečata je ispisan istovremeno latinicom i ćirilicom u koncentričnim krugovima oko grba Kantona Sarajevo.

**Član 7.
(Rukovanje i upotreba pečata)**

- (1) Pečatom rukuje i upotrebljava direktor Kampusa.
- (2) O načinu čuvanja i upotrebe pečata odlučuje direktor Kampusa.
- (3) Pečatom može rukovati i upotrebljavati ga i službeno lice Kampusa koje posebnim rješenjem ovlasti direktor Kampusa.

**Član 8.
(Oblik i tekst štambilja)**

- (1) Štambilj Kampusa je pravougaonog oblika sa sljedećim tekstom: Bosna i Hercegovina Federacija Bosne i Hercegovine, Kanton Sarajevo, JU Terapijska zajednica Kampus Kantona Sarajevo.
- (2) Tekst štambilja je ispisan istovremeno latinicom i ćirilicom u koncentričnim krugovima oko grba Kantona Sarajevo.

III OSNIVAČ KAMPUSA I OBAVEZE PREMA OSNIVAČU

**Član 9.
(Osnivač)**

Osnivač Kampusa je Kanton Sarajevo (u daljem tekstu: Osnivač). Kampus je osnovan Odlukom Skupštine Kantona Sarajevo o osnivanju Javne ustanove Terapijska zajednica - Kampus Kantona Sarajevo („Službene novine Kantona Sarajevo“, br. 28/03, 21/04 – ispravka, 10/05, 31/07, 21/12 i 5/13).



Član 10.
(Obaveze prema osnivaču)

Obaveze Kampusa prema Osnivaču su da:

- a) pribavi saglasnost Osnivača kod svih statusnih promjena (član 14 zakona o ustanovama)
- b) osnivaču podnosi Program rada Kampusa i Finansijski plan,
- c) da jednom godišnje Osnivaču podnosi Izvještaj o poslovanju Kampusa, kao i godišnji obračun i Izvještaj o finansijskom poslovanju,
- d) druge obaveze utvrđene zakonom

IV DJELATNOST – NAČIN I USLOVI OBAVLJANJA DJELATNOSTI

Član 11.
(Djelatnost)

(1) Kampus svoju djelatnost obavlja kao javna ustanova, a u okviru ovlaštenja utvrđenih Zakonom, odlukama Skupštine Kantona Sarajevo, ovim Pravilima i drugim opštim aktima.

(2) Kampus može mijenjati i proširivati svoju djelatnost o čemu odluku donosi Skupština Kantona Sarajevo.

Član 12.
(Sudski registar)

(1) Kampus je upisan u sudski registar kod Kantonalnog suda u Sarajevu, Rješenjem broj: U F /I-1755/04 od 10.12.2004.godine

(2) Kampus ima svojstvo pravnog lica.

Član 13.
(Šifra djelatnosti)

(1) Šifra djelatnosti Kampusa upisana prema Odluci o klasifikaciji djelatnosti Bosne i Hercegovine 2010 („Službeni glasnik BIH br.47/10), obuhvata slijedeće razrede:

87.20 Djelatnost u ustanovama sa smještajem za osobe sa teškoćama u razvoju, duševno bolesne i osobe ovisne o alkoholu, drogama ili drugim opojnim sredstvima sa uključenim određenim stepenom zdravstvene njege.

88.99 Ostale djelatnosti socijalne zaštite bez smještaja.

Član 14.
(Opis djelatnosti)

- (1) Kampus se u svojoj djelatnosti teoretski i praktično bavi problemima ovisnih osoba koje žele da se dobrovoljno liječe ili ih je uputio nadležni organ.
- (2) Ustanova pruža usluge smještaja, psihosocijalnih i svih drugih neophodnih usluga primjenom institucionalnih i vaninstitucionalnih oblika zaštite.
- (3) Kampus realizuje usluge kroz sljedeće oblike: dnevnog i poludnevnog boravka, cjelodnevne brige, zaštite, nadzora, procjene stanja i stručne pomoći ovisnim osobama.
- (4) Kampus u svom radu obezbjeđuje psihosocijalnu zaštitu ovisnih osoba u cilju smanjenja psihofizičkih posljedica usljed upotrebe alkohola, droga, opojnih sredstava i ostalih vrsta ovisnosti (kocka, internet i sl.).
- (5) Kampus će kao metode rada sa korisnicima usluga koristiti:
 - a) psihosocijalnu rehabilitaciju (socioterapija, psihoterapija, porodična terapija, saradnja sa timom, saradnja sa lokalnom zajednicom),
 - b) resocijalizaciju,
 - c) reintegraciju korisnika usluga u društvenu zajednicu,
 - d) radno-okupacioni tretman - radna terapija (bibliotekarstvo, art terapija, muziko terapija, rad na kompjuteru, zanatske radionice, stolarija sa drvoprerađivačkim djelatnostima, limarija, elektro radionica, tekstilna radionica, krojačnica, tkaonica, radionica zidarsko-molerskih poslova, poljoprivredne djelatnosti, cvjećarstvo, povrtlarstvo, voćarstvo, kulinarske aktivnosti, sportske aktivnosti prema afinitetima, pet terapija, kao i svi poslovi na održavanju Kampusu),
 - e) saradnja sa institucijama koje se bave prevencijom,
 - f) prevencija ovisnosti i unapređenje mentalnog zdravlja,
 - g) preduzimanje posebnih mjera i programa za sprečavanje i rano otkrivanje psihotičnih stanja vezanih za upotrebu droga – stručno terapijska pomoć,
 - h) pružanje različitih vrsta edukacija iz oblasti ovisnosti i
 - i) zdravstveno prosvjećivanje korisnika.
- (6) U Kampusu će se formirati nova organizaciona jedinica, fizički odvojena od drugih organizacionih jedinica ove ustanove, u kojoj će se obezbijediti izvršavanje odgojne mjere - upućivanje u posebnu ustanovu za liječenje i osposobljavanje. Maloljetnik ostaje u ovoj ustanovi najduže do 3 godine, s tim da sud svaka 3 mjeseca ispituje postoje li osnove za obustavu izvršenja ove mjere ili zamjena drugom mjerom. U slučaju da maloljetnik u toku izvršenja ove mjere postane punoljetan, ispituje se potreba njegovog daljeg zadržavanja u Kampusu, a kada navršši 23 godine života, izvršenje mjere se nastavlja u ustanovi u kojoj se izvršava mjera sigurnosti.
- (7) U organizacionim jedinicama Kampusu formiraće se žensko i muško odijeljenje.
- (8) Kampus u realizaciji pružanja usluga koristi socioterapijske, psihoterapijske, preventivne, pedagoško-andragoške, radno-okupacione, sportsko-rekreativne i druge aktivnosti. (član 98. Zakona o socijalnoj zaštiti)



Član 15.
(Organizacione jedinice)

Poslovi i zadaci u okviru Kampusu obavljaju se u unutrašnjim organizacionim jedinicama koje su određene Pravilnikom o radu sa unutrašnjom organizacijom i sistematizacijom poslova.

Član 16.
(Svojstvo organizacionih jedinica)

Unutrašnje organizacione jedinice nemaju svojstvo pravnog lica.

Član 17.
(Saglasnost na opšte akte)

Saglasnost na Pravila kao osnovni opšti akt Ustanove kao i na Pravilnik o radu kao opšti akt kojim se uređuje plaća, organizacija rada, druga važna pitanja između radnika i poslodavaca, kao i unutrašnja organizacija i sistematizacija poslova, daje Ministarstvo za rad, socijalnu politiku, raseljena lica i izbjeglice Kantona Sarajevo.

V ZASTUPANJE I PREDSTAVLJANJE KAMPUSA

Član 18.
(Zastupanje i predstavljanje)

- (1) U obavljanju poslova u okviru djelatnosti Kampus zastupa i predstavlja direktor.
- (2) U smislu stava 1. ovog člana direktor zaključuje sve ugovore i obavlja i druge pravne radnje, u skladu sa važećim zakonskim i podzakonskim aktima, te zastupa Kampus pred sudovima i drugim organima i organizacijama bez ograničenja.

Član 19.
(Davanje ovlaštenja)

- (1) Direktor Kampusu može ovlastiti rukovodioce unutrašnjih organizacionih jedinica za potpisivanje određenih akata upućenih nadležnim organima, ustanovama, institucijama i korisnicima usluga, a koji se donose u okviru djelokruga rad tih organizacionih jedinica.
- (2) Direktora Kampusu u njegovoj odsutnosti mijenja lice koje on ovlasti, o čemu donosi poseban akt u pisanoj formi – ovlaštenje.
- (3) Direktor Kampusu može ovlastiti drugo lice za poduzimanje pojedinačno određenih radnji.



VI ODNOS KAMPUSA PREMA KORISNICIMA USLUGA

Član 20. (Organizacija Kampusa)

Kampus u radu sa korisnicima usluga organizuje i provodi pojedinačni i timski rad i tretman u kojem učestvuju: socijalni radnici, psiholozi, sociolozi, radno okupacioni terapeuti, sportski treneri, te mogu učestvovati i rehabilitirani bivši ovisnici i volonteri i drugo stručno osoblje.

Član 21. (Metode rada)

U stručnom i timskom radu Kampusa primjenjuju se socioterapijske, psihoterapijske, radno rekreativne, okupacione metode, kao i druge aktivnosti u kompleksnoj rehabilitaciji ovisnika o drogama, koristeći se profesionalnom etikom, uz strogo pridržavanje osnovnih načela poslovne tajne, a sve u cilju zaštite ličnosti svojih korisnika.

Član 22. (Saradnja)


- (1) Kampus u svom radu ne koristi medicinski model nego se za takve potrebe služi postojećom mrežom zdravstvenih ustanova u Kantonu Sarajevo.
- (2) Kampus usko saraduje sa Javnom ustanovom „Kantonalni centar za socijalni rad“, vladinim, nevladinim organizacijama, vaspitno – obrazovnim institucijama, kulturnim, umjetničkim i sportskim društvima, kao i vjerskim institucijama.

VII SREDSTVA ZA RAD I ODGOVORNOST ZA OBAVEZE U PRAVNOM PROMETU

Član 23. (Finansiranje i sredstva)

Kampus se u obavljanju svoje djelatnosti finansira:

- a) iz sredstava Budžeta Kantona Sarajevo,
- b) od pravnih i fizičkih lica na temelju ugovora o smještaju korisnika kojim se regulišu međusobna prava i obaveze,
- c) iz drugih izvora na način i pod uvjetom utvrđenim pozitivnim pravnim propisima,
- d) iz donacija.



Član 24.
(Sredstva za rad)

Sredstva za rad raspoređuju se na :

- (1) Tekuće izdatke:
 - a) plaće i naknade troškova zaposlenih,
 - b) doprinosi poslodavca i ostali doprinosi (doprinosi poslodavca),
 - c) izdaci za materijal i usluge, putni troškovi, izdaci za energiju, izdaci za komunalne usluge, nabavke materijala, izdaci za usluge prijevoza i goriva, unajmljivanje imovine i opreme, izdaci za tekuće održavanje, izdaci osiguranja, bankarskih usluga i usluga platnog prometa, ugovorne i druge posebne usluge,
- (2) Nabavka stalnih sredstava.

Član 25.
(Odgovornost prema Osnivaču)

- (1) Kampus je odgovoran Osnivaču za rezultate svog rada i djelovanja u svim oblastima za koje je nadležan, a obaveze Kampusu prema osnivaču su da:
 - a) pribavi saglasnost Osnivača kod svih statusnih promjena,
 - b) da jedanput godišnje Osnivaču podnosi Izvještaj o radu, Izvještaj o poslovanju i godišnji Program rada Ustanove i Finansijski plan,
 - c) druge obaveze utvrđene zakonom.
- (2) Za rezultate svog rada i djelovanja u svim oblastima za koje je nadležan.
 - (a) Za obaveze u pravnom prometu prema trećim licima Kampus odgovara svom svojom imovinom.
 - (b) Osnivač Kampusu odgovara za obaveze Kampusu do visine osnivačkog uloga.

Član 26.
(Prihodi i rashodi)

Višak prihoda nad rashodima Kampus koristi za obnavljanje i razvoj djelatnosti, ako aktom o osnivanju nije drugačije određeno.

VIII ORGAN UPRAVLJANJA

Član 27.
(Organ upravljanja)

- (1) Organ upravljanja u Kampusu je Upravni odbor.
- (2) Upravni odbor se sastoji od 5 (pet) članova.
- (3) Predsjednik i članove Upravnog odbora imenuju se na period do 4 (četiri) godine i nakon isteka vremena na koje su imenovani mogu biti ponovo imenovani.



(4) Za predsjednika i člana Upravnog odbora može biti imenovana osoba koja pored opštih uslova uvjeta propisanih Zakonom o ministarskim, vladinim i drugim imenovanjima Federacije Bosne i Hercegovine ispunjava sljedeće uvjete:

- a) da je državljanin BiH,
- b) da nije osuđivan za krivično djelo koje je nespojivo sa obavljanjem dužnosti predsjednika i člana Upravnog odbora Ustanove,
- c) da nije osuđivan za prekršaj koji je nespojiv za obavljanjem dužnosti predsjednika i člana Upravnog odbora Ustanove.

(5) Predsjednika i članove Upravnog odbora imenuje i razrješava Vlada Kantona Sarajevo u skladu sa Zakonom o ministarskim, vladinim i drugim imenovanjima Federacije Bosne i Hercegovine, Zakonom o ustanovama i Zakonom o socijalnoj zaštiti, zaštiti civilnih žrtava rata i zaštiti porodice sa djecom.

(6) Direktor Kampusu ne može biti predsjednik i član Upravnog odbora i predsjednik i član Nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini.

Član 28. **(Razriješenje Upravnog odbora)**

(1) Vlada Kantona Sarajevo će razriješiti predsjednika i člana Upravnog odbora i prije isteka vremena na koje je imenovan u skladu sa Zakonom o ustanovama i Zakonom o socijalnoj zaštiti, zaštiti civilnih žrtava rata i zaštiti porodice s djecom, u sljedećim slučajevima:

- a) na njegov lični zahtjev,
- b) neispunjavanje uvjeta za imenovanje propisane Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo,
- c) neusvajanjem izvještaja o poslovanju koji obuhvata izvještaj o radu sa Izvještajem o finansijskom poslovanju ustanove,
- d) zloupotrebljavanju pozicije predsjednika i člana Upravnog odbora u korist ličnog interesa ili interesa druge osobe,
- e) nesavjesnog i neodgovornog obavljanja dužnosti predsjednika i člana Upravnog odbora, a koje se negativno održava na afirmaciju ustanove i čuvanje njenog ugleda,
- f) propuštanje i sprečavanje nepravilnosti u radu ustanove,
- g) nevršenje usmjeravanja i kontrole rada direktora,
- h) neocjenjivanje rada direktora,
- i) promjene broja i strukture članova upravnog odbora,
- j) nepoštivanje i kršenje opštih akata ustanove,
- k) i u drugim propisanim slučajevima.

(2) U slučaju da dođe do prijevremnog razrješavanja predsjednika i/ili člana Upravnog odbora Vlada Kantona Sarajevo će istovremeno imenovati novog predsjednika i člana Upravnog odbora na kraći period, najviše tri mjeseca, dok se ne provede zakonom propisan postupak konačnog imenovanja.



Član 29.
(nadležnost Upravnog odbora)

Nadležnost Upravnog odbora, kao organ upravljanja u Kampusu je slijedeća:

- a) donošenje Pravila Kampusu, Pravilnika o radu sa unutrašnjom organizacijom i sistematizacijom poslova ustanove, i drugih opštih akata Kampusu u skladu sa zakonom i kolektivnim ugovorom,
- b) imenovanje i razrješenje direktora i vršioca dužnosti direktora,
- c) utvrđivanje planova rada i razvoja,
- d) utvrđivanje godišnjeg Programa rada,
- e) donošenje Finansijskog plana i usvajanje godišnjeg obračuna,
- f) odlučivanje o svim pitanjima obavljanja djelatnosti radi koje je Kampus osnovan, ako zakonom nije utvrđen da o određenom pitanjima odlučuje drugi organ,
- g) rješavanje svih pitanja odnosa sa Osnivačem,
- h) podnošenje Osnivaču najmanje jednom godišnje Programa rada, Finansijskog plana, Izvještaja o radu sa Izvještajem o finansijskom poslovanju Kampusu,
- i) usmjerava, kontroliše i ocjenjuje rad Direktora,
- j) odlučuje o prigovoru radnika na akte kojima je organ rukovođenja odlučio o pravu, obavezi i odgovornosti radnika,
- k) i drugi poslovi u skladu sa zakonom i ovim Pravilima,

Član 30.
(odgovornost Upravnog odbora)

Upravni odbor je odgovoran Osnivaču za rezultate rada Kampusu.

Član 31.
(rad Upravnog odbora)

Upravni odbor donosi odluku većinom glasova svih članova Upravnog odbora, ukoliko zakonom i pravilima odlučivanja o pojedinim pitanjima nije određena druga kvalifikovana većina.

Član 32.
(naknada za rad Upravnog odbora)

Visina naknade za rad u Upravnom odboru utvrđuju Vlada Kantona.

Član 33.
(Odredbe za rad Upravnog odbora)

Bliže odredbe u radu Upravnog odbora utvrdiće se Poslovníkom o radu Upravnog odbora.



IX ORGAN RUKOVOĐENJA

Član 34. (Organ rukovođenja)

Organ rukovođenja u Kampusu je direktor.

Član 35. (Izbor i imenovanje direktora)

- (1) Procedura izbora i imenovanja direktora provodi se u skladu sa Zakonom o ustanovama, Zakonom o socijalnoj zaštiti, zaštiti civilnih žrtava rata i zaštiti porodice sa djecom i Pravilnikom o vrsti stručne spreme i proceduri izbora i imenovanja direktora javnih ustanova iz oblasti socijalne zaštite.
- (2) Direktora Kampusu imenuje Upravni odbor, a na osnovu konkursa koji se objavljuju u javnim glasilima.
- (3) Direktor se imenuje i razrješava uz saglasnost Vlade Kantona Sarajevo. Lice koje nije dobilo saglasnost za direktora od strane Vlade Kantona Sarajevo, ne može po ponovnom konkursu biti imenovano za direktora, odnosno vršioca dužnosti direktora.

Član 36. (Uslovi za imenovanje direktora)

- (1) Za direktora ustanove može biti imenovana osoba koja ispunjava sljedeće uvjete:
 - a) da je državljanin Bosne i Hercegovine,
 - b) da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje četiri studijske godine sa akademskom titulom i stručnim zvanjem Bakalauereat/Bachelor (240 ECTS bodova),
 - c) da ima najmanje pet godina radnog staža (od kojih je najmanje tri godine na rukovodećoj poziciji)
 - d) da ima opštu zdravstvenu sposobnost,
 - e) da nije osuđivan za krivično djelo koje je nespojivo sa obavljanjem dužnosti direktora,
 - f) da nije osuđivan za prekršaj koji je nespojiv sa obavljanjem dužnosti direktora.
- (2) Pored uslova iz stava 1. ovog člana direktor ustanove mora ispunjavati i posebne uslove:
 - a) odgovarajuće organizacijske sposobnosti,
 - b) da ima Plan rada i razvoja ustanove,
 - c) da ima stručnu spremu iz oblasti društvenih nauka.



Član 37. **(Mandat direktora)**

- (1) Mandat direktora je na 4 (četiri) godine i može se imenovati na samo još jedan mandat.
- (2) Direktor može biti razriješen i prije isteka mandata za koji je imenovan u sljedećim slučajevima:
- a) na lični zahtjev direktora,
 - b) neispunjavanje uvjeta za imenovanje direktora ustanove propisanih Zakonom o ustanovama i Zakonom o socijalnoj zaštiti, zaštiti civilnih žrtava rata i zaštiti porodice sa djecom i Pravilima ustanove,
 - c) neusvajanjem Izvještaja o poslovanju koji obuhvata Izvještaj o radu sa izvještajem o finansijskom poslovanju ustanove,
 - d) zloupotrebe pozicije direktora u ustanovi u korist ličnog interesa ili interesa druge osobe,
 - e) korištenje imovine ustanove u privatane svrhe,
 - f) nesavjesno i neodgovorno obavljanje poslova direktora, a koje se negativno odražava na rad, afirmaciju ustanove i čuvanje njenog ugleda,
 - g) propuštanje sprečavanja nepravilnosti u radu ustanove,
 - h) dobijanje negativne ocijene za rad od strane Upravnog odbora,
 - i) nepoštivanje opštih akata ustanove,
 - j) ako se utvrdi da je odgovoran za neuspješan ili nezakonit rad ustanove,
 - k) u drugim slučajevima predviđenim zakonom i pravilima Ustanove.
- (3) U slučaju razrješenja direktora prije isteka mandata za koji je imenovan. Upravni odbor će raspisati konkurs za imenovanje novog direktora u roku od 90 dana od dana imenovanja vršioca dužnosti direktora.

Član 38. **(Prijevremeno razrješenje direktora)**

- (1) Prijedlog za prijevremeno razrješenje direktora iz razloga člana 37. ovih Pravila, može dati osnivač, odnosno Vlada Kantona, predsjednik odnosno član Upravnog ili Nadzornog odbora.
- (2) Ako direktor dolazi iz reda radnika Javne ustanove Kampus Kantona Sarajevo, a zasnovao je radni odnos na neodređeno vrijeme u Javnoj ustanovi Kampus Kantona Sarajevo prije imenovanja na funkciju direktora, ima pravo da po završetku mandata ili prijevremenom razrješenju sa te funkcije bude raspoređen na odgovarajuće poslove ili se vrati na iste gdje je bio raspoređen.

Član 39. **(Poslovi i zadaci direktora)**

- Direktor Kampusa vrši sljedeće poslove i zadatke:
- a) organizuje i rukovodi radom Kampusa,



- b) zastupa i predstavlja Kampusu prema trećim licima,
- c) predlaže Upravnom odboru mjere za efikasno i zakonito obavljanje djelatnosti radi koje je Kampus osnovan (odgovoran je zakonitost rada ustanove),
- d) predlaže Upravnom odboru opšte akte Kampusu,
- e) predlaže Upravnom odboru osnove i planove razvoja,
- f) izvršava odluke Upravnog odbora,
- g) odlučuje o pravima obavezama i odgovornostima radnika iz radnog odnosa,
- h) podnosi Upravnom odboru Izvještaj o radu Kampusu, kao i Izvještaj o finansijskom poslovanju Kampusu,
- i) vrši i druge poslove u skladu sa Zakonom, podzakonskim aktima i Pravilima.

Član 40.
(Izvršenje finansijskog plana)

Direktor je naredbodavac za izvršenje Finansijskog plana i odgovoran je Upravnom odboru za rezultate rada i finansijsko poslovanje Kampusu.

Član 41.
(Imenovanje za vršioca dužnosti)

- (1) U slučaju da se ne izvrši imenovanje direktora Upravni odbor će, bez konkursa, imenovati vršioca direktora iz redova stručnih radnika zaposlenih u Kampusu.
- (2) Vršilac dužnosti direktora ima sva prava i dužnosti direktora.
- (3) Vršilac dužnosti direktora može rukovoditi Kampusom do imenovanja direktora, a najduže šest mjeseci od dana imenovanja za vršioca dužnosti.

X ORGAN KONTROLE POSLOVANJA

Član 42.
(Organ kontrole poslovanja)

- (1) Organ kontrole poslovanja u Kampusu je Nadzorni odbor.
- (2) Nadzorni odbor Kampusu ima 3 (tri) člana, jedan član imenuje se iz reda stručnih zaposlenika Kampusu.
- (3) Predsjednika i članove Nadzornog odbora imenuje i razrješava Vlada Kantona Sarajevo u skladu sa važećim zakonskim i podzakonskim propisima.
- (4) Predsjednik i članovi Nadzornog odbora imenuju se na period od 4 (četiri) godine i mogu poslije isteka mandata biti ponovo imenovani.
- (5) Izbor, imenovanje i razrješenje predsjednika i članova Nadzornog odbora vrši se na isti način i pod istim kriterijima kao i kod izbora, imenovanja i razrješenja Upravnog odbora.



Član 43.
(Nadležnost Nadzornog odbora)

Nadležnost Nadzornog odbora je da:

- a) analizira izvještaj o poslovanju Kampusu,
- b) vrši nadzor nad upotrebom sredstva za rad,
- c) pregleda godišnji izvještaj o poslovanju i godišnji obračun Kampusu,
- d) pregleda i provjerava zakonitost i urednost vođenja poslovnih knjiga Kampusu,
- e) izvještava osnivača, Upravni odbor i direktora Kampusu o rezultatima nadzora.

Član 44.
(Naknade za rad Nadzornog odbora)

Visina naknade za rad u Nadzornom odboru utvrđuje Vlada Kantona.

XI STRUČNI KOLEGIJ


Član 45.
(Stručni kolegij)

- (1) Stručni kolegij je stručni organ Kampusu koji se obrazuje radi razmatranja i zauzimanja stavova o stručnim i drugim važnim pitanjima iz djelokruga rada Kampusu.
- (2) Stručni kolegij sačinjavaju direktor i rukovodioci unutrašnjih organizacionih jedinica.
- (3) Stručnom kolegiju prisustvuju i drugi radnici po potrebi.

Član 46.
(Rad stručnog kolegija)

Stručni kolegij razmatra:

- a) značajnija pitanja iz djelokruga rada Kampusu koja se odnose na provođenje aktuelne politike Skupštine Kantona Sarajevo i stavova Vlade Kantona Sarajevo, te izvršenje zakona, podzakonskih i opštih akata,
- b) pitanja u vezi sa ostvarivanjem funkcije Kampusu, unapređenjem rada, kadrovska pitanja, kao i druga pitanja značajna za rad i funkcionisanje Kampusu,
- c) prednacrti i nacrti opštih akata i propisa koje Kampusu priprema,
- d) nacrti i prijedloge propisa koji se Kampusu dostavljaju na mišljenje,
- e) program rada Kampusu i izvršenje istog,
- f) druga pitanja za koja direktora ocijeni da ih treba razmatrati na sjednicama Stručnog kolegija.



Član 47.
(Rukovođenje stručnog kolegija)

- (1) Stručni kolegij saziva i njegovim radom rukovodi direktor Kampusu.
- (2) O radu stručnog kolegija vodi se zapisnik u koje se unose pitanja koja su razmatrana na sjednici i doneseni zaključci.
- (3) Materijal za sjednice Stručnog kolegija pripremaju članovi kolegija ili izvršioca koje za to zaduži direktor.

Član 48.
(Stručni i konsultivni organi)

- (1) Direktor Kampusu može za proučavanje i obradu složenijih pitanja formirati i druge stručne i konsultivne organe, radnih grupa i komisija,
- (2) O formiranju stručnih i konsultativnih organa, radnih grupa i komisija, rješenje donosi direktor.

Član 49.
(Druga tijela)

- (1) Za članove povremenih stručnih komisija, grupa i radnih tijela, pored radnika Kampusu, a prema ukazanoj potrebi, mogu se angažovati i lica koja nisu u radnom odnosu u Kampusu.
- (2) Rješenjem o obrazovanju tijela iz stava 1. ovog člana koje donosi direktor, u skladu sa finansijskim sredstvima i važećim propisima se utvrđuje i visina naknade članovima pomenutih tijela, kada je to potrebno.

XII OPŠTI AKTI

Član 50.
(Osnovni opšti akt)

- (1) Osnovni opšti akti Kampusu su Pravila i Pravilnik o radu sa unutrašnjom organizacijom i sistematizacijom poslova Javne ustanove Terapijska zajednica – Kampus Kantona Sarajevo.
- (2) Saglasnost na Pravila i Pravilnik o radu sa unutrašnjom organizacijom i sistematizacijom poslova Kampusu daje Ministarstvo za rad, socijalnu politiku, raseljena lica i izbjeglice Kantona Sarajevo.



Član 51.
(Ostali opšti akti)

(1) Pravilnikom o radu sa unutrašnjom organizacijom i sistematizacijom poslova se bliže uređuju međusobna prava, obaveze i odgovornosti svih radnika u Kampusu, unutrašnja organizacija i sistematizacija poslova, pojedini segmenat rad Kampusu, zaštita imovine Kampusu u skladu sa zakonom i Pravilima.

(2) Ostali opšti akti koje Kampus mora imati su, Pravilnik o zaštiti na radu, Pravilnik o internoj kontroli, Pravilnik o kućnom redu, Pravilnik o korištenju službenog telefona, Pravilnik o načinu korištenja automobila, Etički kodeks Kampusu i ostali unutrašnji opšti akti čije postojanje propisuje važeća zakonska i podzakonska regulativa kao i za koje se ocijeni da je neophodno donijeti.

XIII NAČINI OSTVARIVANJA JAVNOSTI RADA

Član 52.
(Javnost rada)

Rad Kampusu je javan, izuzev objavljivanja podataka koji predstavljaju službenu i poslovnu tajnu. Svi akti koji imaju karakter općih akata, a naročito: Ustav Kantona Sarajevo, zakoni, statuti, osnivački akti organa javnog sektora, uredbe, odluke, pravilnici kao i provedbeni propisi zakona, svi pravilnici koje donese organi javnog sektora iz svoje nadležnosti, uputstvo, neredba, instrukcija koja ima karakter općeg akta, zaključak i inicijative, bit će javno objavljeni na web stranici Kampusu.

Član 53.
(Službena i poslovna tajna)


(1) Poslovnom tajnom se smatraju isprave i akti čije bi saopštavanje ili davanje na uvid, kopiranje ili prepis neovlaštenim osobama bilo protivno interesima Kampusu.

(2) Saopštavanje ili davanje na uvid u govornoj, pisanoj ili elektronskoj formi, kopiranje ili prepis isprava akata Kampusu ili pravnih i fizičkih subjekata sa kojim Kampusu u obavljanju djelatnosti i poslovanju ostvaruje saradnju, neovlaštenim osobama a bez odobrenja direktora Kampusu, protivno je poslovanju Kampusu i smatrat će se nanošenjem štete poslovnom ugledu ustanove, odnosno interesu i ugledu zaposlenika i korisnika.

(3) Podaci koji se odnose na lične, porodične i druge prilike korisnika usluga Kampusu smatraju se službenom tajnom, čuvaju se pod ključem i mogu biti dostupni nadležnim organima u skladu sa zakonom uz odobrenje direktora ili lica koje direktor za to ovlasti.

(4) Službenu i poslovnu tajnu dužni su čuvati članovi Upravnog i Nadzornog odbora i drugi od strane Kampusu angažovana lica, pripravnici ili volonteri koji su na bilo koji način saznali za sadržaj isprava ili podataka koji se smatraju službenom i poslovnom tajnom Kampusu.

(5) Obaveza čuvanja službene i poslovne tajne ne prestaje ni nakon što osobe navedene u ovom članu izgube status na temelju kojeg su odgovorne za čuvanje službene i poslovne tajne.



(6) Povreda dužnosti čuvanja službene i poslovne tajne od strane zaposlenika Kampusa predstavlja težu povredu radne obaveze.

Član 54.
(Informisanje o radu)

Kampus redovno informiše o svom radu Osnivača, Vladu Kantona Sarajevo, resorno ministarstvo.

Član 55.
(Javnost rada)

Kampus ostvaruje javnost rada i putem stručnih seminara, simpozija, te prezentiranjem radova iz svoje nadležnosti u stručnim časopisima i publikacijama.

Član 56.
(Javno informisanje)

Ostvarivanje javnosti rada pute sredstava javnog informisanja vrši se isključivo davanjem informacija od strane direktora Kampusa, odnosno stručnog lica koje za to ovlasti direktor.

XIV OSTVARIVANJE PRAVA, OBAVEZA I ODGOVORNOSTI RADNIKA

Član 57.
(Prava, obaveze i odgovornost radnika)

Radnici ostvaruju svoja prava, obaveze i odgovornosti u Kampusu u skladu sa Zakonom o radu, Kolektivnim ugovorom, Pravilima i drugim opštim aktima Kampusa, rješenjem, te drugim važećim propisima.

XV NADZOR NAD ZAKONITOŠĆU RADA KAMPUSA

Član 58.
(Nadzor i zakonitost rada)

- (1) Nadzor nad zakonitošću rada i nadzor nad stručnim radom Kampusa vrši Ministarstvo za rad, socijalnu politiku, raseljena lica i izbjeglice Kantona Sarajevo.
- (2) Inspekcijски nadzor nad zakonitošću rada Kampusa vrši Kantonalna uprava za Inspekcijske poslove Kantona Sarajevo.



XVI PRELAZNE I ZAVRŠNE ODREDBE

Član 59. (Izmjene i dopune Pravila)

Izmjene i dopune Pravila Kampusa vrše se po postupku i na način propisan za njegovo donošenje.


Član 60. (Donošenje Pravila)

Donošenjem Pravila Kampusa stavlja se van snage Statut Kampusa broj: 35/X-02-530-1/05 od 04.04.2005.godine i broj: 35-01-02-181/08 od 10.03.2008. godine.

Član 61. (Stupanje na snagu)

Ova Pravila stupaju na snagu danom donošenja Odluke Ministarstva za rad, socijalnu politiku, raseljena lica i izbjeglice Kantona Sarajevo o davanju saglasnosti na Pravila Javne ustanove Terapijska zajednica- Kampus Kantona Sarajevo.

Sarajevo, 19.11.2019. godine
Broj:35-01-01- 1366 /19



PREDSJEDNIK
PRAVNOG ODBORA

Sandra Zaimović



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-04/2-02-41879/19
Sarajevo, 03.12.2019. godine

JAVNA USTANOVA
TERAPIJSKA ZAJEDNICA KAMPUS
KANTON SARAJEVO
Broj: 35-02-05-1480/19
Datum: 09.12.2019.

Na osnovu člana 76. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17 i 28/18), Ministarstvo za rad, socijalnu politiku, raseljena lica i izbjeglice Kantona Sarajevo, donijelo je

ODLUKU
O DAVANJU SAGLASNOSTI NA PRAVILA
JAVNE USTANOVE TERAPIJSKA ZAJEDNICA - KAMPUS KANTONA SARAJEVO

I

Daje se saglasnost na Pravila Javne ustanove Terapijska zajednica – Kampus Kantona Sarajevo broj: 35-01-01-1366/19 od 19.11.2019. godine, koja je Upravni odbor ove ustanove donio Odlukom broj: 35-01-01-1366/1/19 od 19.11.2019. godine.

II

Ova odluka stupa na snagu danom donošenja.

Pripremio: Zoran Timarac, šef odjeljenja
Kontrolisao: Nuriya Hodžić, pomoćnik mi

Belma Trajkov, se

Dostavljeno:

1. Javna ustanova Terapijska zajednica – Kampus Kantona Sarajevo, Ul. Iznad sela Kešelji bb
2. Direktor
3. Upravnom odboru
4. Nadzornom odboru
5. A/a
6. Ministru


MINISTAR



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63666
www.tuv-thuringen.de



Broj:35-01-01- 1366/1/19
Sarajevo,19.11.2019.god.

Na osnovu člana 27. i 28. Zakona o ustanovama („Službeni list RBiH“ broj 6/92, 8/93 i 13/94), člana 31. Statuta JU „Terapijska zajednica - Kampus Kantona Sarajevo“, Upravni odbor JU „Terapijska zajednica - Kampus Kantona Sarajevo“ na 5. redovnoj sjednici održanoj 19.11.2019. godine d o n o s i

ODLUKU

I

Upravni odbor donosi Pravila Javne Ustanove Terapijska zajednica-Kampus Kantona Sarajevo.

II

Sastavni dio ove Odluke su Pravila koja stupaju na snagu danom donošenja Odluke Ministarstva za rad, socijalnu politiku, raseljena lica i izbjeglice Kantona Sarajevo o davanju saglasnosti na Pravila Javne ustanove Terapijska zajednica Kampus Kantona Sarajevo.

Obrazloženje

Upravni odbor na svojoj 5. sjednici održanoj dana 19.11.2019 godine razmatrao je prijedlog Pravila Javne ustanove Terapijska zajednica Kampus Kanton Sarajevo koja su usklađena sa članom 15. Odluke o osnivanju Javne ustanove Terapijska zajednica – Kampus Kantona Sarajevo („Službene novine Kantona Sarajevo „ br. 28/3 ,21/04 - ispravka i 10/05, 31/07, 21/12 i 5/13) i Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine KS“ broj:38/14 ,38/16,44/17 i 28/18).

Nakon provedene diskusije, te urađenih izmjena u skladu sa dopisom Ministarstva za rad, socijalnu politiku raseljena lica i izbjeglice KS br: 13-04/2-05-34053/19 od dana 18.10.2019 godine , Upravni odbor jednoglasno donosi Pravila Javne ustanove Terapijska zajednica Kampus Kanton Sarajevo, te donošenjem i stupanjem na snagu ovih Pravila, stavlja se van snage Statut Kampusa broj: 35/X-02-530-1/05 od 04.04.2005.godine i broj: 35-01-02-181/08 od 10.03.2008. godine.



Dostaviti:

-Ministarstvo za rad, socijalnu politiku
raseljena lica i izbjeglice KS,
-a/a